



SIUMUT INATSISARTUNI ILAASORTAATITAT

7. marts 2012.

Inatsisartut suleriaasiat § 37 imm. 1. naapertorlugu Naalakkersuisunut apeqqut.

1. **Tamatta inatsisartuutitat pingaartillugu akuerisarput “Meeqqat illersuisuat“, sulilluni 1. marts 2012 aallartittussaagaluartup aallartinngitsoorneranut suut peqqutaappat?**
2. **Meeqqanut illersuisumut aallartinngitsoortumut taarsiullugu ippassaq MIPI pisortatigoortumik persuarsiutaalluni atorunnaarsinneqarpoq. Sooq taamatut Naalakkersuisunit ulapputaatigaa MIPI-p tunuartinnissaa uffaluunniit suli illersuisussamik aallartitsisoqanngitsoq ?**
3. **Meeqqat illersuisuannut ikaarsaariarnermi Sooq MIPI Naalakkersuisunit atorluassallugu eqqarsaatigineqarsimangila?**
4. **Qaqugu Naalakkersuisut naatsorsuutigaat Meeqqat illersuisuata pilersinneqarnissaa pissasoq?**
5. **Politikkikkut attuumasuunnginnissaanik Naalakkersuisut oqartarnerat sumit tunngaveqarpa? Uffa Naalakkersuisut ataani “Meeqqat illersuisuat “inaalinneqartoq aammalu siulersuisussat Naalakkersuisunit toqqarneqartussaallutik.**

6. Kommunit Kanukokalu sutigut suleqatigineqarnissaat takorloorneqarpa?

Inatsisartuni ilaasortaqaq Ruth Heilmann Siumut.

Tunngavilersuut:

Tupannartorujussuugami tusarlugu MIPI pisortatigoortumik inuulluaqqu-neqartoq Meeqqat illersuasuanilluunniit pilersitsiniarluni ikaarsaariarnermiluunniit atorluarneqarniarnani.

Naalakkersuisullu oqaatigalugu MIPI-p sulinera suli annertunerulersinneqassasoq Meeqqat illersuisuata qaquguunerpoq pilersinneqartussap ataani inissinneqassasoq. Tassa imatut paasiuminaatsigilerami MIPI-gooq atorunnaaarpoq kisiannilu aamma sulinera suliaalu ingerlaqqissallutik.

Ilami MIPI pilersinneqareerpoq sulilluarlunilu, taamaattumik suli suliaat pisariaqartinneqarluinnartuunnerat uani uppersarneqarnera isertuunniassallugu pissutissaqanngilluinnarpoq, MIPI-p pilersinneqarsimanera torrassuummat.